



## Universitätsbibliothek Paderborn

### Praxis Episcopalis

In Qva Episcoporum Non Tantvm, Eorumqve Vicariorum munus; sed  
Parochorum etiam & conscientiarum directorium concernentium casuum  
ac dubiorum indies occurrentium Resolvtiones ... quàm brevissimè  
continentur

**Zerola, Tommaso**

**Coloniae Agrippinae, 1680**

Parochus.

**urn:nbn:de:hbz:466:1-10447**

à quo, nu. 7. Sylvest. in ver. ordo, 2, §. 5.  
ver. 3.

## O S C U L U M.

**P**rimò, osculans persona ecclesiastica mulierem etiam violenter, qua poena sit punienda, vide Clar. *quest. 83. ver. osculum*. Secundò, an per osculum uxoris possit fieri divortium, ut amittat dotem uxor ab alio osculata, vel probetur adulterium, vide præter cæteros, Cov. *de spons. 2. part. c. 6. §. 6. nu. 3. & 4.* terciò, osculum libidinosè habitum, nisi sit inter conjuges, est peccatum mortale, Cajet. *in sum. in ver. osculum*, similiter de omnibus actibus impudicis; idem *ver. impudicitia*, secus verò, si osculum fiat ex benevolentia, ac juxta morem patriæ, idem *loc. cit.*

## P A L A T I U M.

**P**alatum Episcopi gaudet immunitate Ecclesiæ, non solum si intra quadraginta passus ab Ecclesia constitutum sit, sed etiam si extra, gl. *in c. id constituimus, 17. q. 4.* Inn: & Host: *in c. inter alia, de immun. Eccl. Abb. in c. Ecclesia, nu. 9.* & ibi Henric. *col. ult. eod. tit.* Oldrad. *conf. 55.* Cov. *lib. 2. c. 20. nu. 5. ver. 5.*

## P A R O C H U S.

**P**rimò, cujus parochi præsentia requiritur in contrahendo matrimonio parochiæ, viri, an mulieris?

Respondetur, quòd alterius sufficit,

Nav: *conf. 3. de cland. desponsat. nu. 1.* & hoc quando contrahitur in parochia sua, aliàs non, nempe quisque parochus in sua, & non in aliena; ita dicit declar: sac: Cong: & *conf. 4. nu. 1. ver. 3.* dicit idem ex mente ejusdem sac: Cong: quòd sufficit præsentia alterius, in quacunque parochia contrahatur. **verùm** hoc videtur satis durum dicto auctori, & mihi, nempe, quòd parochus mulieris possit adesse matrimonio contrahendo in parochia viri, & è contrà, ideo juxta suam, & meam opinionem debet intelligi quisque in sua parochia, non ut alter audeat in parochia alterius, quia esset usurpare jus alienum, quod fieri nequit cum præjudicio alterius, *c. nullus, cum seq. q. 2. Clem. 1. de privit. eò vel maximè, quando essent contrahentes diversarum diocesium, quia tunc, & parochi, & Episcopi jurisdictionem usurparet. sed posset dubitari, si parochus viri assistat, vel interveniat matrimonio contrahendo, in parochia femine, licentia parochi, femine, vel è contrà, an sit nullum matrimonium? Respondetur ex Apostilla, sive Appendice in *conf. 3. de cland. desponsat. Navar. ubi habentur hæc verba: Adverte, ne ex solutione prima q. inferas, ergo si solus parochus viri interveniat, quando matrimonium contrahitur in parochia femine, vel è converso, sit nullum, quia refertur à sac: Cong. resolutum validum esse, ut etiam auctor refert, con. sequenti, posset dubitari secundò, sac: Conc. *sess. 24. c. 1. §. qui aliter*, irritat matrimonium contractum sine præsentia parochi? Respondetur, quòd intelli-**

ligitur, quando deficeret uterque, id est, parochus feminae in parochia viri, vel e contra. Sed adesset parochus alius exterus absque licentia. dubitatur tertio, sac. Conc. dicit esse suspensum parochum, si interveniat sine licentia? Respondetur, quoad suspensionem incurri quidem à parcho feminae auctorizante in parochia viri sine licentia ejus parochi, quia quod sac. Cong. affirmavit de uno, non videtur affirmasse de altero, & à diversis non fit illatio.

Secundo, contrahitur matrimonium inter duos, in aliquo pago, casali, villa, rure, ibi commorantur per duos, vel tres menses, animi, vel negotii causa, an parochus illius pagi, casalis, villae, ruris, posset esse legitimus Sacerdos in dicto matrimonio contrahendo?

Respondetur negativè, sed esse parochum proprii domicilii, ita Navar. *consil. 7. de cland. despons.*

Tertio, an Parochus, non Sacerdos possit interesse matrimonio contrahendo, juxta sacri Concilii dispositionem?

Respondetur, quod Nav. *consil. 9. loc. cit.* dicit, quod sic, tamen sac. Cong. censuit oppositum, ut ibi dicit Apostil. nempe quod tunc temporis ipse parochus non sacerdos debet dare licentiam alteri qui sit Sacerdos, quod etiam annuit ipsemet Auctor, *consil. 10. de Vic. generali Episcopi, qui non sit Sacerdos*, & ita est tenendum, quia sac. Concil. loquitur de parcho, quod sonat Sacerdotium, sicuti de extrema unctione, Jac. *cap. ultim. & c. licet canon. de elect.*

*lib. 6. vide superius, in ver. matrim. §. 2.*

Quarto, quidam volentes contrahere matrimonium inter se Neapoli timentes aliquod impedimentum ibi futurum à malignis vel parentibus, pergunt Romam, in qua, post aliquot dies de licentia Ordinarii ipsius Civitatis Neapolis contrahunt, an possint? Navar. *consil. 14.* dicit, quod non, quia in *c. ut animarum, de const. lib. 6. & alijs, quae allegat*, dicit extra territorium, &c. hic videtur esse necessariam praesentiam Parochi Romae, seu licentiam Ordinarii ejusdem, & quod banna, seu denunciations debent fieri in loco, ubi contrahitur matrimonium, & in parochia ipsorum contrahentium, nempe Romae, & non Neapoli, hoc tamen temperarem, si fierent denunciations Neapoli, antequam inde discederent, & ipsarum denunciationum afferrent fidem authenticam à parcho Neapolitano, vel ejus Vicario Generali, quod tunc posset parochus Romae eos admittere ad matrimonium contrahendum absque eo, quod iterum denunciations fiant Romae, sed tutius est, ut ibi iterum fiant, prout annuit Sac. Cong. *sess. vigesimaquarta, capitulo septimo, de resor.* nota pro casu quotidie praticabili; nam si fierent Romae tantum denunciations, quis posset deponere de impedimentis, ubi sunt ignoti? Ergo melius est, ut fiant utrobique, prout dictum est superius.

Quinto, an matrimonium possit contrahi coram parcho, & testibus juxta formam sacri Concilii, sub conditione, ut si quis dicat, Ego volo te in

in uxorem, si des mihi mille pro dote, & mulier dicat, Ego duco te in virum, si dones mihi mille propter nuptias? Respondetur, quod sic, & purificata conditione, & stante eodem consensu, est verè matrimonium, & non indiget, ut iterum contrahatur cum requisitis à Conc. Navar. *conf. 1. de condi. ap. post.*

Sextò, contrahitur matrimonium Neapoli in virum Hispanum, & uxorem Hispanam, vel virum Hispanum, & uxorem Italam, vel contra, ubi fieri debent denunciations, in Hispania, vel Italia? Respondetur primò, quod si fieri possent, in ambobus locis: dico secundò, quod Neapoli, in una parochia, si in una habent ambo domicilium, sed in duabus si in duabus habitant. dico tertio, requiritur fides, quae testificetur, nullum canonicum adesse impedimentum: dico quartò, ista fides, si potest venire ab Hispania, optimum erit, si non, potest fieri Neapoli, testificantibus multis, quatenus nullum obest impedimentum, & ita practicaui in terra Capitis Silaris Compzanæ diocesis, in qua quidam miles Hispanus duxit uxorem Italam, & iussit fieri fidem authenticam Neapoli à Cappellano majori, & ita vidi practitari Neapoli, ad quod sint cauti ordinarij, & parochi, ut omnia fiant causa cognita, pro observatione sacri Concilii Tridentini, *sess. 24. c. 7. de reform. matr.*

\* \* \*  
\* \*

## PAROCHIA:

Quia Parochia dicit portionem curæ, quia rector Ecclesiæ curam habet animarum, *c. Ecclesiæ, 13. q. 1. cap. primo, de Eccles. Monach. & practificandus in illa cura, debet examinari. Ponuntur istæ quæstiones pro praxi Gem. in c. licet canon, de elect. lib. 6. ver. quero quid sit parochia.*

Primò, an semel examinatus, vel approbatus in uno concursu ad parochialem, si contigerit alia vacatio, debeat iterum examinari?

Respondetur primò, quod quoad parochiales sic, quia potest inveniri alius magis idoneus illo, & datur forma, quam non licet prætermittere Episcopum, ut patet *superius, in ver. parochia, §. 2. dub. 2.* etiam si esset juris patronat? Respondetur secundò, quod approbatus ad parochialem, non debet examinari quoad literaturam, intellige, si concurrat solus; secus verò, si alii concurrant, quia posset esse minus idoneus aliis, & tunc sufficit solum indagare circa mores, *c. de Petro, & ibi gl. in ver. ignota, 47. dist. Cavalc. dec. 19. Caputaq. decis. 367. p. 2.* ratio est, quia mores variantur Indies, & non ita literatura.

Secundò, an favere indignis, ut præponantur dignis, vel dignioribus, sit peccatum?

Respondetur, quod peccant, Navar. *in c. inter verba, 11. q. 3. concl. 1. nu. 13. & de oratione cap. 22. miscellan. 45.*

Tertio, an cogendi sint parochiani audire Missam, & concionem in sua parochia?

Re-